

# Leiðin að Árborg okkar allra

## Málefnasamningur Sjálfstæðisflokksins í Árborg og Áfram Árborgar út kjörtímabilið 2026

Sveitarfélagið Árborg stendur á miklum vaxtartímum en er um leið í erfiðri fjárhagsstöðu sem hefur verið meginverkefni bæjarstjórnar undanfarin tvö ár. Það verkefni hefur gengið ágætlega. Mikil tækifæri eru í samfélaginu, metnaðarfull uppbyggingaráform og endurskipulagning á rekstri sveitarfélagsins gengur vel og mikilvægt að halda því góða starfi áfram. Slíkt kallar á sterka forystu með skýra framtíðarsýn.

Sjálfstæðisflokkurinn og Áfram Árborg eru sammála um að standa þétt saman að þeim mikilvægu verkefnum sem eru framundan í Sveitarfélaginu Árborg. Meirihluti Sjálfstæðisflokksins og Áfram Árborg koma til með að byggja á góðu samráði og samvinnu um aðgerðir í þágu Árborgar með það markmiði að efla sveitarfélagið til framtíðar. Hagsmunir íbúa verða ávallt í forgrunni ákvarðana á vettvangi bæjarstjórnar hvort sem er til lengri eða skemmri tíma.

Horft verður til eflingar samvinnu og samstarfs þvert á byggðakjarna sveitarfélagsins og styrkingu fjárhagslegrar sjálfbærni Árborgar. Forsenda framfara er traustur fjárhagur og er það skýr stefna nýs meirihluta að fjárhagsstaða Árborgar verði sterk til framtíðar svo hægt sé að skapa aðstæður til lækkunar gjalda og álaga á íbúa.

Þá munu flokkarnir halda áfram að leita allra leiða til styrkingar atvinnulífs og skapa grundvöll fyrir enn frekari fjölgun og fjölbreytileika í atvinnu. Tækifæri til atvinnu- og verðmætasköpunar eru til staðar. Fjárfestar með atvinnuskapandi hugmyndir horfa til þess hve vel sveitarfélagið er í stakk búið til að mæta slíkum áskorunum.

Þessu samhliða verður áfram lögð áhersla á að efla innviði sveitarfélagsins með áframhaldandi leit að heitu vatni, uppbyggingu leik- og grunnskóla, velferðarmála og fráveitu. Leitað verður nýrra leiða til að nýta sem best það fjármagn sem veitt er til allra málaflokka.

Málefnasamningur meirihluta Sjálfstæðisflokksins og Áfram Árborgar er metnaðarfullur og í takti við þau tækifæri sem Sveitarfélagið Árborg býr yfir. Að sama skapi lýsir hann raunhæfum markmiðum að árangri á því tveggja ára tímabili sem er fram að næstu sveitarstjórnarkosningum árið 2026.

## Ábyrg fjármálastjórn og gagnsæi

- Halda áfram að sýna ábyrga fjármálastjórn og leita leiða til að lækka kostnað og auka tekjur sveitarfélagsins
- Skapa forsendur til að lækka álögur og gjöld á einstaklinga og fyrirtæki
- Forgangsröðun verkefna og framkvæmda innan sveitarfélagsins
- Vinna áfram að stafrænni umbreytingu, bæta heimasíðu sveitarfélagsins og efla rafræna afgreiðslu
- Auka gagnsæi í rekstri sveitarfélagsins með því að opna bókhaldið
- Unnið verður að því að styrkja ferla til bættrar þjónustu við íbúa
- Auka samtal við íbúa með því að halda reglulega íbúafundi

## Skipulag og framkvæmdir

- Vinna að því að uppbygging innviða haldist í hendur við uppbyggingu íbúða- og atvinnuhúsnæðis
- Halda áfram að auka framboð atvinnulóða fyrir fjölbreytta starfsemi
- Leggja áherslu á umhverfismál og sjálfbærni í skipulagsmálum
- Vinna að framtíðarskipulagi Austurvegar og fleiri svæða í sveitarfélaginu
- Leggja áherslu á fjölbreytta byggð, snyrtilegan frágang og umhverfisvæna byggingarkosti
- Leggja áherslu á opin og fjölskylduvæn svæði
- Bæta skipulag almenningssamgangna í sveitarfélaginu
- Stuðlað verður að fjölgun hleðslustöðva í öllum byggðakjörnum

## Atvinnumál og nýsköpun

- Mótun sameiginlegrar atvinnustefnu til framtíðar ásamt nágretta sveitarfélögum
- Styðjum við nýsköpun og fjölbreytni í atvinnulífi svæðisins
- Skapa samkeppnishæf starfsskilyrði fyrirtækja, virkjum einkaframtakið og athafnafrelsi
- Eflum sérkenni þéttbýliskjarna í sveitarfélaginu

## Lífsgæði og umhverfismál

- Uppfærum umhverfisstefnu Árborgar
- Efla upplýsingagjöf til íbúa til að auka flokkun og endurnýtingu
- Bæta aðgengi og umhverfi grenndarstöðva
- Styðja áfram við bæjarhátíðir sveitarfélagsins
- Vinna að bættri aðstöðu og auknum opnunartíma sundlauga sveitarfélagsins
- Stuðlað verður að fjölgun hleðslustöðva í öllum byggðakjörnum
- Stuðla að samþættingu heimaþjónustu og heimahjúkrunar, sem skilar sér í betri þjónustu og bættri líðan eldra fólks á grundvelli verkefnisins „Gott að

eldast“. Miklir möguleikar eru í auknu samstarfi sveitarfélagsins og heilbrigðisyfirvalda á þeim vettvangi og kappkostað verði að flýta þeirri samvinnu

- Efla og styrkja búsetukosti fyrir eldri borgara í samvinnu við byggingaraðila og leigufélög

## Fræðslu- og fjölskyldumál

- Styðja og efla leik- og grunnskóla starf í sveitarfélaginu og bæta starfsumhverfi nemenda og starfsfólks
- Vera málsvari enn frekara háskólanáms í sveitarfélaginu
- Sköpum fjölskylduvænt samfélag og uppfærum þjónustu í takti við fjölbreyttar þarfir íbúa
- Farsæld barna er í forgrunni aðgerða sveitarfélagsins í tengslum við málefni barna
- Efla skapandi greinar, menningu og listir
- Árborg verði leiðandi sveitarfélag sem tryggi vandaða, góða og skilvirka þjónustu fatlaðra og aðstandenda þeirra

23.maí 2024

Bragi Bjarnason

Álfheiður Eymarsdóttir

---

Oddviti Sjálfstæðisflokksins

---

Oddviti Áfram Árborg

Axel Sigurðsson

---

Varabæjarfulltrúi Áfram Árborg

Vottar: